



Asignatura: Pagsulat sa Piling Larangan (Akademik)

Paksa: Pagsulat ng Sintesis

Disenyong Modular ni: G. Dave Michael B. Menguito

Baitang: Ikalabindalawang

Semestre: Una

Linggo: Ikaanim (6th)

Kompetensi na Dapat
Matamo:

CS_FA11/12PN-0j-I-92

Natutukoy ang mahalagang
impormasyong pinakinggan
upang makabuo ng katitikan
ng pulong at sintesis.

Mga Layunin:

- Naiisa-isa ang mga hakbang na dapat sundin sa pagsisintesis o pagbubuod;
- Natutukoy ang mahalagang impormasyong pinakinggan upang makabuo ng sintesis; at
- Nakasusulat ng sariling pagbubuod.



PUKAW-KAALAMAN

Ihanda ang sarili sa bagong aralin at pukawin ang isipan tungo sa bagong kaalaman.

Buuin ang mga salitang nasa ibaba na kung saan ito ay may kaugnayan sa paksang tatalakayin at pagkatapos isulat ang iyong sariling ideya o opinyon batay sa mga nabuong mga salita. (10 puntos)

WESYNLAESK

YULASIORPDR

OLAKLIHKNORO



- ✓ Kapag ikaw ay bumibili ng libro, ano ang iyong unang binabasa?
- ✓ Paano nakakatulong ang isang buod para sa iyo?



UNAWAIN MO

-Isa sa kapakipakinabang na gawain ang pagbabasa at panonood. Sa pamamagitan nito nadaragdagan ang kaalaman ng tao at lumalawak ang saklaw ng pagkatuto. Sa kahit ano pa mang libro at pelikula, kadugtong na nito ang mga buod na siyang nakakapanghikayat sa mga mambabasa o manonood.

-Ang **sintesis** (*synthesis*) ay nagmula sa salitang Griyego na *syntithenai* na ang ibig sabihin sa Ingles ay put together o combine (Harper 2016). Makikita ang prosesong ito sa mga pagkakataong, halimbawa, pag-uusap tungkol sa nabasang libro kung kailan hindi posible ang pagbanggit sa bawat kabanata at nilalaman ng mga ito upang makuha lamang ang kahulugan, layunin, at kongklusyon ng libro.

- Madalas na nalilimitahan ng oras ang pagbabahagi ng kaalaman sa iba't ibang dahilan. Maaaring oras sa klase, oras ng kuwentuhan, o sukat ng panahon para sa pagsulat at pagbasa ng artikulo kung nasa anyong babasahin ang pagbibigay ng kaalaman. Sa ganitong kalagayan, makikita ang kahalagahan na natatutuhan ang paraan ng paglalagom o pagbubuod na tinatawag na pagbibigay ng sintesis.

-Sa madaling pagpapaliwanag, ang sintesis ay ang pagsasama-sama ng mga impormasyon, mahahalagang punto, at ideya upang mabuod ang napakahabang libro, mabuo ang isang bagong kaalaman, at maipasa ang kaalamang ito sa sandaling panahon lamang. **(1, 2,3)**

- ✓ **“Pagsama-sama ng mga impormasyon, mahahalagang punto at ideya upang mabuod ang napakahabang libro, makabuo ng bagong kaalaman at maipasa ito sa sandaling panahon”**
- ✓ Mga Panahon kung Kailan Nakagagawa ng Sintesis: *Oras ng Klase, Oras ng Kuwentuhan, Sukat ng Panahon para sa pagsusulat at pagbabasa ng artikulo* **(4)**

May TATLONG URI ng PAGESUNOD-SUNOD NG IDEYA:

1. **Sekwensyal**

-Pagesunod-sunod ng PANGYAYARI sa isang salaysay

-Ginagamitan ng panandang **UNA, PANGALAWA, PANGATLO** atbp.

2. **Kronolohikal**

-Pagesunod-sunod ng IMPORMASYON at MAHAHALAGANG DETALYE ayon sa pangyayari.

3. *Prosidyural*

-Pagsunod-sunod ng mga HAKBANG o PROSESONG ng pagsasagawa.

Halimbawa nito ay proseso sa pagluluto. (3)

Mga Hakbang sa Pagsulat ng Sintesis:

- Basahing mabuti ang kabuoang anyo
- Basahin ng may puso
- Isaalang-alang ang 3 uri ng pagsunod-sunod ng ideya
- Isaalang-alang ang bahagi ng teksto
- Gamitin ang proseso ng pagsulat. **(1,2)**

HALIMBAWA NG SINTESIS (1)

Magkababata sina Ariel at Cleofe. Musmos pa lamang sila ay kilala na nila ang isa't isa. Itinuring nilang isang paraiso ang kanilang lugar, kasabay ng kanilang gawain at paglalaro na labis nilang kinaaliwan noon.

Walong taong gulang sila nang magkakilala at mahilig maglaro sa tabing-dagat at sa malawak na bukirin sa kanilang lugar. Ang magandang samahan nina Ariel at Cleofe ay nagtagal hanggang sa dumating ang panahon na sila ay dalaga at binata na. Sa panahong ito, wala na ang kamusmusan at nag-iba na rin ang takbo ng kanilang isip, maging ang kanilang damdamin.

Batid ng mga magulang nila na higit na sa pagkakaibigan ang namamagitan sa dalawa. Ang dating magkalaro ay alam nilang mahalaga na ang tingin sa isa't isa. Kaya naman gumawa ng aksyon ang kanilang mga magulang.

Pinag-aral si Cleofe sa siyudad upang mailayo kay Ariel. Paghahanda raw ito sa magandang kinabukasan niya. Ngunit ang paglayo ay hindi pa rin naging hadlang sa dalawa. Pinilit pa rin nilang magkita sa kabila ng pagbabawal.

Sa kanilang muling pagtatagpo ay isang bagong paraiso ang kanilang natagpuan. Ang init ng kanilang pagmamahalan ay tila ang init na naranasan nila sa paglalaro sa malawak na taniman.

Ang bawat yakap at halik ay tila bagong paraiso para sa dalawa. At ang paraiso ay nagbunga na para sa iba ay parusa habang biyaya naman sa kanilang dalawa.

-Ang Bagong Paraiso ni Efren Abueg



1. Pumili ng isang pelikula o aklat na iyong naibigan o nagustuhan,
2. Isulat kung anong pelikula o aklat ang iyong nagustuhan,
3. Kumuha ng larawan sa internet batay sa pelikula o aklat na iyong nagustuhan at idikit ito sa likod ng iyong koponpapel "long bondpaper",

4. Pagkatapos gawan ito ng sariling pagbubuod o sintesis. Gawin itong malikhain.

(Pamagat ng Pelikula o Aklat)

Buod ng pangyayari

Pamatayan	Marka
• Kaangkupan ng ideya	15
• May kaisahan ang sintesis at ang larawan	15
• Wastong paggamit ng mga salita	10
• Angkop at maayos na sining-biswal	10
KABUUAN	50

MGA SANGGNUNIAN:

1. Almario, Virgilio S. *Introduksyon sa Pagsasalin* (Mga Panimulang Babasahin Hinggil sa Teorya at Praktika sa Pagsasalin). Manila:Komisyon ng Wika sa Filipino,2015

2. Belvez, Paz M., T. Buensuceso, P. Catacataca,. C. Cui-Acas, E. Lemense, N.PapaR. Tuazon, et al. *Retorika: Mabisang Pagsasalita at Pagsulat*. Manila. Komisyon sa Wikang Filipino, 2015.

3. Garcia, Florante C. *Filipino sa Piling Larangan-Akademik*. Quezon.Sibs Publishing, 2016.

4. <https://www.elcomblus.com/pagsulat-ng-sintesis/>

Pangalan:_____ Baitang at Seksyon:_____

Kwarter:_____ Linggo: _____

PAGSULAT SA PILING LARANGAN (AKADEMIK)



SUBUKAN MO

Panuto: Bigyan ng mga kahulugan ang bawat salita na nasa loob ng kahon(3 puntos bawat bilang)

1. Sintesis-

2.Sekwensyal-

3.Kronolohikal-

4.Prosidyural-

5.Buod-



Isang pagbati para sa iyo. Natapos mo na ang modyul na ito. Mahusay!

